



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 1. De Ingressu in Ierusalem.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)



## PARS TERTIA.

 MEDITATIO I.  
 DE INGRESSV IN HIE-  
 RVSALEM.

## PUNCTA MEDITATIONIS.

- Mat. 21.* I. *Præcepit Dominus adduci asinam &*  
*Luc. 19.* *pullam: soluite & adducite mihi,*  
*Ioan. 11.* *&c.*  
 II. *Asinam conscendit, Apostolorum ve-*  
*stibus instratam.*  
 III. *Populus obviam veniens vestimen-*  
*tis suis, & ramis sternebat viam &*  
*canebat: Osanna filio David, &c.*

## FIGVRA.

*Exod. 12.* **P**Ræcepit Dominus filijs Israel; vt A-  
 gnum qui immolandus esset die Pas-  
 chæ, quinque diebus ante, domum suam  
 adducerent: ibique seruarent vsque ad  
 diem sacrificii.

## PROPHETIÆ.

*Zach. 9.* **E**Xulta satis filia Sion, iubila filia Hie-  
 rusalem, Ecce Rex tuus venit tibi  
 iustus.

*iustus, & saluator: ipse pauper, ascen-  
dens super asinam & pullum filium asina.*

*Dicite filia Sion: Ecce Saluator tuus ve-  
nit, merces eius cum eo.* Isaia 62.

DOCUMENTA.

1. **N**OLVIT Christus insidere asino nudo, sed instrato vestibus Apostolorū. Christus in anima nuda sedem non figit; sed in ea, quam virtutibus & Apostolicis operibus ornatam vestitamque inuenit.
2. Dominus ad se vehendū, non sibi delegit animalia superba & pompatica; sed abiecta & mansueta. Curemus in nobis, insint hæ virtutes, vt in anima nostra confidere & quiescere dignetur Christus.
3. Tunc instar Apostolorum locum vestimentis nostris parauimus, in quo Christus se-deat; cum pijs exhortationibus delinimus, & flectimus animos & corda hominum, vt in ijs. inhabitare possit Christus & quiescere.
4. Illi sternunt vestimenta sua in via, qui mortificari affectibus & edomita carne, viam parant Christo, qua ad illorum mentes acce-dat. Illi item qui na virtute, exemplum alijs. ad imitandum præsent.
5. Tunc Christo cum ramis oliuarum obuiam imus, cum exercemus opera misericordix & charitatis: cum palmarum ramis au-tem, quando de tentatione aliqua victoriam reportamus.
6. Vestes nostras ad pedes Christi sterni-mus, cum inopes, qui sunt quasi pedes Chri-sti, nostris diuitijs subleuamus.
7. Christum in anima nostra cum laudi-

bus, & benedictionibus tum excipimus; cum in Confessione sincerè exponimus omnia peccata: itemque cum pro beneficijs in nos collatis Maiestati ipsius gratias agimus.

8. Christus gloriam suam voluit missam esse humilitate: ut qui pullo asini veheretur, animali scilicet, ad vilia plebis opera destinato. Sic & nos, ubi vel externa laude, vel externa tentatione ad vanam gloriam extollimur, reuocemus in memoriam nostræ conditionis vtilitatem, quamque in rebus omnibus miseri & imperfecti simus.



MEDITATIO II.  
DE CONCILIO IV.  
DÆORVM.

PVNCTA MEDITATIONIS.

- Mat. 26 I. Christus, circa Pascha denunciatur discipulis passionem, dicens fore, ut post biduū tradatur, & crucifigatur.*  
*Mar 14.*  
*Luc. 22.*
- II. Principes & Seniores cum Caipha consilium inierunt, ut eum dolo tenerent, timentes plebem.
- III. Sathana in Iudam intrante, abiit ille ad Iudeos congregatos, spondens se traditurum. & constituerunt ei 30. argenteos.

FI.